


過去現在因果經

卷一

二百六  
辭三

49674



過去現在因果經卷第七三

宋三藏求那跋陀羅譯

辭

如是我聞一時佛在舍衛國祇樹給孤獨園  
 尔時世尊與諸比丘住於竹林是諸比丘於  
 晨朝時著衣持鉢入城乞食還歸所住食竟  
 澡漱各攝衣鉢集在講堂悉欲共說過去因

緣尔時世尊以淨天耳超於世間聞諸比丘  
 語論之聲即從座起到講堂上於眾中坐問  
 諸比丘汝等共集欲說何法時諸比丘即白  
 佛言世尊我等食竟澡漱已訖故共集此各  
 欲聞說過去因緣是時世尊語諸比丘汝等  
 樂聞過去因緣者諦聽諦聽善思念之今為

汝說比丘白言唯然世尊願樂欲聞佛言比  
丘過去無數阿僧祇劫。爾時有一仙人名曰  
善慧淨修梵行求一切種智爲欲成就此大  
智故樂處生死周遍五道。一身死壞復受一  
身生死無量譬如盡天下草木斬以爲籌數  
其故身不能窮盡。夫極天地之始終謂之一  
劫。而其經天地成壞者不可稱載也。所以感  
傷群生。耽惑愛欲。沉流苦海。起慈悲心。欲拔  
濟之。又作此念。今諸衆生沒於生死不能自  
出。皆由貪欲瞋恚愚癡樂著色聲香味觸法  
故我當決定斷其此病。雖生諸趣不忘斯念  
於諸衆生怨親平等。以布施攝貧窮持戒攝

毀禁忍辱攝瞋恚精進攝懈怠禪定攝亂意  
智慧攝愚癡如是長夜增益衆生普爲一切  
而作歸依於諸如來恭敬供養樂欲聽法亦  
爲他說常以四事奉給衆僧於佛法衆尊重  
守護如是諸行不可稱計

亦時有王名曰燈照城名提播婆底其國人  
民壽八万歲安隱豐樂極爲熾盛所欲自在  
猶如諸天時彼國王正法治世不枉人民無  
有殺戮楚撻之苦視諸人民有如一子時燈  
照王始生太子端嚴無比威德具足有三十  
二相八十種好初生之日四方皆明日月珠  
火不復爲用王見太子有如此瑞即現諸臣

兵集議言太子初生有此竒特當爲太子作何等名諸臣荅言應名太子以爲普光又召相師而占相之相師荅言今觀太子若在家者爲轉輪王統四天下若出家者爲天人尊成薩婆若王及夫人後宮嫀女聞相師言於此太子深生愛念亦爲天龍夜叉乾撻婆阿修羅迦樓羅緊那羅摩睺羅伽人非人等供養恭敬尊重讚歎是時太子在於後宮爲夫人嫀女說種種法

太子年至二万九千歲捨轉輪王位啓其父母求欲出家旣不聽已乃至三請猶尚不許太子慈悲志存拯濟忍其小違以成大順即

便往詣山林樹下剃除鬚髮被著法服勤修  
苦行滿六千歲成阿耨多羅三藐三菩提爲  
諸天人及八部衆轉於法輪此輪微妙一切  
世間天人魔梵所不能轉以三乘法教化衆  
生所可利益不可稱數尔時父王及其夫人  
後宮嫔女聞太子普光成阿耨多羅三藐三  
菩提心大歡喜踊躍無量尔時群臣國內人  
民婆羅門等聞太子道成心各念言太子普  
光捨轉輪王位剃除鬚髮被著法服出家修  
道得成正覺我等今者亦當出家作此念已  
悉皆往詣普光佛所尔時普光如來即觀其  
心隨其因緣而爲說法大臣婆羅門等有四

千人成阿羅漢國中人民及餘四方諸來會  
衆有八萬人亦得無著法忍尔時普光如來  
與八万四千諸阿羅漢往諸國界遊行教化  
父王聞已心大歡喜即勅國中平治道路香  
水灑地懸諸繒綵寶幢幡盖散衆名華如是  
莊嚴滿十二踰闍那又復擊鼓唱令國內諸  
有華者不得私賣悉輸與王并勅人民不得  
先我供養於佛即遣大臣并作妓樂燒香散  
華而往請彼普光如來

尔時善慧仙人在於山中得五奇特夢一者  
夢卧大海二者夢枕須弥三者夢海中一切衆  
生入其身内四者夢手執日五者夢手執月



得此夢已即大驚悟心自念言我今此夢非  
為小緣當以問誰宜入城內問諸智者作是  
念已披鹿皮衣手執水瓶及杖繖蓋行入城  
邑路過外道所止任處有五百人而為上首  
善慧念言我今當以所夢問之并得觀其所  
修之業即共諸人講論道義破其異見時五  
百人即便受屈求為弟子於善慧所深生恭  
敬各以銀錢一枚而以上之復有五百外道  
既見善慧辯才聰明亦生隨喜時諸外道自  
共議言今普光如來出興于世善慧仙人聞  
斯語已舉體毛豎心大歡喜踊躍無量便與  
外道分別而去外道問言師何所趣荅言我

今當往普光佛所欲施供養外道白言師若  
去者願樂隨從善慧荅曰我今有緣宜應先行  
尔時善慧賣五百銀錢緣路而去諸外道衆  
悲戀懊惱辭別而歸善慧至前見王家人平  
治道路香水灑地列幢幡盖種種莊嚴即便  
問言何因緣故而作是事王人荅言世有佛  
興名曰普光今燈照王請來入城所以忿忿  
莊嚴道路善慧即復問彼路人汝知何處有諸  
名華荅言道士燈照大王擊鼓唱令國內名  
華皆不得賣悉以輸王善慧聞已心大懊惱  
意猶不息苦訪華所俄尔即遇王家青衣密  
持七莖青蓮華過畏王制令藏著瓶中善慧

至誠感其蓮華踊出瓶外善慧遙見即追呼  
曰大姊且止此華賣不青衣聞已心大驚愕  
而自念言藏華甚密此何男子乃見我華求  
索買耶願看其瓶果見華出生奇特想答言  
男子此青蓮華當送宮內欲以上佛不可得  
也善慧又言請以五百銀錢雇五莖華青衣  
意疑復自念言此華所直不過數錢而今男  
子乃以銀錢五百求買五莖即問之言欲持  
此華用作何等善慧答曰今有如來出興於  
世燈照大王請來入城故須此華欲以供養  
大姊當知諸佛如來難可值遇如優曇鉢華  
時時乃現青衣又問供養如來爲求何等善

慧荅曰爲欲成就一切種智度脫無量苦衆  
生故尔時青衣得聞此語心自念言今此男  
子顏容端正披鹿皮衣裁蔽形體乃尔至誠  
不惜錢寶即語之曰我今當以此華相與願  
我生生常爲君妻善慧荅言我修梵行求無  
爲道不得相許生死之緣青衣即言若當不  
從我此願者華不可得善慧又曰汝若決定  
不與我華當從汝願我好布施不逆人意若  
使有來從我乞求頭目髓腦及與妻子汝莫  
生礙壞吾施心青衣荅言善哉善哉敬從來  
命今我女弱不能得前請寄二華以獻於佛  
使我生生不失此願好醜不離必置心中令

佛知之

尔時燈照王與其諸子及衆官屬婆娑羅門等  
持好香華種種供具而出奉迎普光如來舉  
國人民亦皆隨從是時善慧五百弟子共相  
謂言今日國王及諸臣民悉皆往詣普光佛  
所大師今者亦當已去我等宜應往彼禮敬  
作此言已即共俱行在道未遠逢見善慧師  
徒相遇喜悅無量即共同詣普光佛所見燈  
照王已到佛前最得在初供養禮拜如是次  
第至諸大臣亦各禮敬并散名華華悉墮地  
于時善慧與五百弟子見諸人衆供養畢已  
諦觀如來相好之容又欲濟拔諸苦衆生亦

欲滿足一切種智故即散五華皆任空中化  
成華臺後散二莖亦止空中來佛兩邊介時  
國王及其眷屬一切臣民天龍夜叉乾闥婆  
阿修羅迦樓羅緊那羅摩睺羅伽人非人等  
見此奇特歎未曾有於是普光如來以無礙  
智讚善慧言善哉善哉善男子汝以是行過無  
量阿僧祇劫當得成佛号釋迦牟尼如來應正  
遍知明行足善逝世間解無上士調御丈夫  
天人師佛世尊當於善慧受記之時無量天  
龍夜叉乾闥婆阿修羅迦樓羅緊那羅摩睺  
羅伽人非人等散衆妙華滿虛空中而發誓  
言善慧將來成佛道時我等皆願爲其眷屬

是時普光如來即記之曰汝等皆當得生其  
國尔時如來既授記已猶見善慧作仙人髻  
披鹿皮衣如來欲令捨此服儀即便化地以  
爲淤泥善慧見佛應從此行而地濁濕心自  
念言云何乃令千輻輪足蹈此而過即脫皮  
衣以用布地不足掩泥仍又解髮亦以覆之  
如來即便踐之而度因記之曰汝後得伊當  
於五濁惡世度諸天人不以爲難必如我也  
于時善慧聞斯記已歡欣踊躍喜不自勝即  
時便解一切法空得無生忍身昇虛空去地  
七多羅樹以偈讚佛

今見世間導 令我開慧眼 爲說清淨法

去離一切著

今遇天人尊

令我得無生

願將來獲果

亦如兩足尊

是時善慧說此讚已從空中下到於佛前五  
體投地而白佛言唯願世尊哀愍我故聽我  
出家今時普光如來答言善哉善來比丘鬚  
髮自落袈裟著身即成沙門

爾時有二貧窮老人各與親屬一百人俱觀  
佛相好威德嚴顯自傷貧乏無以供養是時  
如來愍其心至即化前地生諸草穢令二貧  
人見地不淨發歡喜心而便灑掃普光如來  
而記之曰汝過無量阿僧祇劫釋迦牟尼佛  
出興於世汝等今時當作第一聲聞弟子



尔時普光如來記貧人已與八万四千比丘  
及燈照王并婆羅門諸臣民等前後圍遶入  
提播婆底城時燈照王與其眷屬以四事供  
養普光如來并及八万四千比丘經四万歲  
王即捨位以付其子與其眷屬及夫人眷屬  
各八万四千人同於佛法出家修道得陀羅  
尼諸法三昧善慧比丘亦隨普光如來受王  
供養滿四万歲於諸法中得深三昧教化衆  
生不可稱數

尔時善慧比丘白普光如來言世尊我於昔  
日在深山中得五奇特夢一者夢卧大海二  
者夢枕須弥三者夢海中一切衆生入我身

內四者夢手執日五者夢手執月唯願世尊  
爲我解說此夢之相爾時普光如來荅言善  
哉汝若欲知此夢義者當爲汝說夢卧大海  
者汝身即時在於生死大海之中夢枕須弥  
者出於生死得般涅槃相夢大海中一切衆  
生入身內者當於生死大海爲諸衆生作歸  
依處夢手執日者智慧光明普照法界夢手  
執月者以方便智入於生死以清涼法化導  
衆生令離惱熱以此夢因緣是汝將來成佛  
之相善慧聞已歡喜踊躍不能自勝禮佛而  
退爾時普光如來復經少時入般涅槃善慧  
比丘護持正法滿二萬歲以三乘法教化衆

生所利益者不可稱計

亦時善慧比丘於彼命終即便上生爲四天  
王以三乘法化諸天衆盡彼天壽下生人間  
爲轉輪王王四天下七寶具足一金輪寶二  
白象寶三紺馬寶四神珠寶五玉女寶六主  
藏臣寶七主兵臣寶千子具足皆悉勇健能  
伏怨敵以正法治無諸憂惱常以十善化諸  
人民於此壽終生忉利天爲彼天主壽終下  
生爲轉輪聖王終其壽命乃至生於第七梵  
天上爲天王下爲聖王各三十六反其間或  
爲仙人或爲外道六師或爲婆羅門或爲小  
王如是變現不可稱數

尔時善慧菩薩功行滿足位登十地在一生  
補處近一切種智生兜率天名聖善白爲諸  
天主說於一生補處之行亦於十方國土現  
種種身爲諸衆生隨應說法期運將至當下  
作佛即觀五事一者觀諸衆生熟與未熟二  
者觀時至與未至三者觀諸國土何國處中  
四者觀諸種族何族貴盛五者觀過去因緣  
誰最真正應爲父母觀五事已即自思惟今  
諸衆生皆是我初發心以來所成熟者堪能  
受於清淨妙法於此三千大千世界此閻浮  
提迦比羅旃兜國最爲處中諸族種姓釋迦  
第一甘蔗苗裔聖王之後觀白淨王過去因

緣夫妻真正堪爲父母。又觀摩耶夫人壽命脩短。懷抱太子。滿足十月。太子便生生七日。已其母命終。旣作此觀。又自思惟。我今若便即下生者。不能廣利諸天人衆。仍於天宮現五種相。令諸天子皆悉覺知。菩薩期運應下。作佛一者。菩薩眼現瞬動。二者。頭上華萎。三者。衣受塵垢。四者。腋下汗出。五者。不樂本座。時諸天衆。忽見菩薩有此異相。心大驚怖。身諸毛孔血流如雨。自相謂言。菩薩不久捨於我等。尔時菩薩又現五瑞。一者。放大光明。普照三千大千世界。二者。大地十八相動。須弥海水。諸天宮殿。皆悉震搖。三者。諸魔宮宅。隱

蔽不現四者日月星辰無復光明五者天人  
八部身皆震動不能自禁是時兜率諸天見  
菩薩身已有五相又復覩外五希有事皆悉  
聚集到菩薩所頭面禮足白言尊者我等今  
日見此諸相舉身震動不能自安唯願爲我  
釋此因緣菩薩即便荅諸天言善男子當知  
諸行皆悉無常我今不久捨此天宮生閻浮  
提于時諸天聞此語已悲號涕泣心大憂惱  
舉體血現如波羅奢華或有不復樂於本坐  
或有棄其莊嚴之具或有宛轉迷悶於地或  
有深歎無常苦者尔時有一天子即說偈言  
菩薩在於此 開我等法眼 今者遠戕去

如盲離導師

又如欲渡水

忽然失橋船

亦似嬰孩兒

喪亡其慈母

我等亦如是

失所歸依處

方漂生死流

了無有出緣

我等於長夜

爲疑箭所射

旣失大醫王

誰當救我者

滯卧無明牀

長沒愛欲海

永絕尊者訓

未見超出期

尔時菩薩見諸天子悲泣懊惱又復聞說戀慕之偈即以慈音而告之曰善男子凡人受生無不死者恩愛合會必有別離上至阿迦臆吒天下至阿毗地獄其中一切諸衆生等無有不爲無常大火之所煎炙是故汝等不應於我獨生戀慕我今與汝皆悉未離生死

熾火乃至一切貧富貴賤皆不免脫於是菩薩即說偈言

諸行無常 是生滅法 生滅滅已 寂滅為樂  
尔時菩薩語諸天子言此偈乃是過去諸佛  
之所共說諸行性相法皆如是汝等今日勿  
生憂惱我於生死無量劫來今者唯有此一  
生在不久當得離於諸行汝等當知今是度  
脫衆生之時我應下生閻浮提中迦比羅旃  
兜國甘蔗苗裒釋姓種族白淨王家我生彼  
已遠離父母棄捨妻子及轉輪王位出家學  
道勤修苦行降伏魔怨成一切種智轉於法  
輪一切世間天人魔梵所不能轉亦依過去



諸佛所行法式廣利一切諸天人衆建大法  
幢傾倒魔幢竭煩惱海淨入正路以諸法印  
印衆生心設大法會請諸天人汝等亦時亦  
當皆同在於此會飡受法食以是因緣不應  
憂惱亦時菩薩以偈頌曰

我於此不久

當下閻浮提

加比羅旃兜

白淨王宮生

辭父母親屬

捨轉輪王位

出家行學道

成一切種智

建立正法幢

能竭煩惱海

閉塞惡趣門

淨開八正道

廣利諸天人

其數不可計

以是因緣故

不應生憂惱

亦時菩薩舉身毛孔皆放光明諸天子等聞

菩薩言又復見身出大光明歡喜踊躍離諸  
憂苦各心念言菩薩不久當成正覺

尔時菩薩觀降胎時至即乘六牙白象發兜  
率宮無量諸天作諸伎樂燒衆名香散天妙  
華隨從菩薩滿虛空中放大光明普照十方  
以四月八日明相出時降神母胎于時摩耶  
夫人於眠寤之際見菩薩乘六牙白象騰虛  
而來從右脅入身現於外如處琉璃夫人體  
安快樂如服甘露願見自身如日月照心大  
歡喜踊躍無量見此相已廓然而覺生希有  
心即便往至白淨王所而白王言我於向者  
眠寤之際其狀如夢見諸瑞相極爲奇特王

即荅言我向亦見有大光明又復覺汝顏貌  
異常汝可為說所見瑞相夫人即便具說上  
事以偈頌曰

見有乘白象

皎淨如日月

釋梵諸天衆

皆悉執寶幢

燒香散天華

并作衆伎樂

充滿虛空中

圓遶而來下

來入我右脅

猶如處琉璃

今以現大王

此為何瑞相

尔時白淨王見摩耶夫人說瑞相已歡喜踊  
躍不能自勝即便遣請善相婆羅門以妙香  
華種種飲食而供養之供養畢已示夫人右  
脅并說瑞相白婆羅門言願為占之有何等  
異時婆羅門即占之曰大王夫人所懷太子

諸善妙相不可具說。今當爲王略言之。耳。大  
王當知。今此夫人胎中之子。必能光顯釋迦  
種族降胎之時。放大光明。諸天釋梵執侍圍  
遶。此相必是正覺之瑞。若不出家。爲轉輪聖  
王。王四天下。七寶自至。千子具足。時王聞此  
婆羅門言。深自慶幸。踊躍無量。即以金銀雜  
寶。象馬車乘。及以村邑。而用供給。此婆羅門  
時摩耶夫人。以其姝女。并及珍寶。亦以奉施。  
自從菩薩處胎以來。摩耶夫人日更修行。六  
波羅蜜。天獻飲食。自然而至。不復樂於人間  
之味。三千大千世界。常皆大明。其界中間。幽  
冥之處。日月威光。所不能照。亦皆朗然。其中

衆生各得相見共相謂言此中云何忽生衆  
生菩薩降胎之時三千大千世界十八相動  
清涼香風起於四方諸抱疾者皆悉除愈貪  
欲瞋癡亦皆休息

尔時兜率天宮有一天子作是念言菩薩已  
生白淨王宮我亦當復下生人間菩薩成佛  
我得在先爲其眷屬供養聽法作此念已即  
便下生王舍城中明月種姓旃陀羅及多王  
家復有天子生舍衛國王家復有天子生偷  
羅厥义國王家復有天子生犢子國王家復  
有天子生跋羅國王家復有天子生盧羅國  
王家復有天子生德义尸羅國王家復有天

子生拘羅婆國王家復有天子生婆羅門家  
復有天子生長者居士毗舍首陀羅家復有  
五百天子生釋種姓家有如是等諸天子衆  
其數凡有九十九億下生人間又從他化自  
在天乃至四天王所下生者不可稱計復有  
色界天王與其眷屬亦皆下生而作仙人菩  
薩在胎行任坐卧無所妨礙又不令母有諸  
苦患菩薩晨朝於母胎中爲色界諸天說種  
種法至日中時爲欲界諸天亦說諸法於日  
晡時又復爲諸鬼神說法於夜三時亦復如  
是成熟利益無量衆生菩薩在胎天人媿女  
有來禮拜而供養者或復有來作是願言當

令得成轉輪聖王菩薩聞已心不喜樂或復  
有來作是願言當令得成一切種智菩薩聞  
已心大歡喜菩薩處胎垂滿十月身諸支節  
及以相好皆悉具足亦使其母諸根寂定樂  
處園林不喜憤鬧時白淨王心自思惟夫人  
懷妊日月將滿而不見其有生產相作此念  
時會遇夫人遣信白王我今欲出園林遊觀  
時王聞此益懷歡喜即勅於外令淨掃灑藍  
毗尼園更使栽植諸妙華果流泉浴池令悉  
清潔欄楯階陛皆以七寶而爲莊嚴翡翠鴛  
鴦鸞鳳凰鷲異類衆鳥鳴集其中懸繒幡蓋  
散華燒香作諸伎樂猶如帝釋歡喜之園又

勅中間所經行處皆令嚴淨種種莊飾又勅嚴辦十萬七寶車輦一一車輦雕玩殊絕又復勅外嚴辦四軍象兵馬兵車兵步兵又復選取後宮嫒女顏容端正不老不少氣性調和聰慧明了其數凡有八万四千以用給侍摩耶夫人又復擇取八万四千端正童女著妙瓔珞嚴身之具賫持香華先往往彼藍毗尼園王又勅諸群臣百官夫人去者皆悉侍從於是夫人即昇寶輿與諸官屬并及嫒女前後導從往藍毗尼園尔時復有天龍八部亦皆隨從充滿虛空

尔時夫人既入園已諸根寂靜十月滿足於



四月八日日初出時夫人見彼園中有一大  
樹名曰無憂華色香鮮枝葉分布極爲茂盛  
即舉右手欲牽摘之菩薩漸漸從右脇出于  
樹下亦生七寶七莖蓮華大如車輪菩薩  
即便墮蓮華上無扶持者自行七步舉其右  
手而師子吼我於一切天人之中最尊最勝  
無量生死於今盡矣此生利益一切人天說  
是言已時四天王即以天繒接太子身置寶  
几上釋提桓因手執寶蓋大梵天王又持白  
拂侍立左右難陀龍王優波難陀龍王於虛  
空中吐清淨水一盥一涼灌太子身身黃金  
色有三十二相放大光明普照三千大千世

界天龍八部亦於空中作天伎樂歌頌讚頌  
燒衆名香散諸妙華又雨天衣及以瓔珞續  
紛亂墜不可稱數

尔時摩耶夫人生太子已身安快樂無有苦  
患歡喜踊躍止於樹下前後自然忽生四井  
其水香潔具八功德尔時摩耶夫人與其眷  
屬隨所欲須自恣洗漱復有諸夜叉王皆悉  
圍遶守護太子及摩耶夫人當尔之時閻浮  
提人乃至阿迦膩吒天雖離喜樂皆亦於此  
歡喜讚歎一切種智今出於世無量衆生皆  
得利益唯願速成正覺之道轉於法輪廣度  
衆生唯有魔王獨懷愁惱不安本坐當尔之

時所感瑞應三十有四一者十方世界皆悉  
大明二者三千大千世界十八相動丘墟平  
坦三者一切枯木悉更敷榮國界自然生竒  
特樹四者園苑生異甘果五者陸地生寶蓮  
華大如車輪六者地中伏藏悉自發出七者  
諸藏珍寶放大光明八者諸天妙服自然來  
降九者衆川万流恬靜澄清十者風止雲除  
空中明淨十一者香風芬芳從四方來細雨  
潤澤以銀飛塵十二者國中疾病皆悉除愈  
十三者國內官舍無不明曜燈燭之光不復  
爲用十四者日月星辰停住不行十五者毗  
舍佉星下現人間侍太子生十六者諸梵天

王執素寶蓋列覆宮上十七者八方諸仙人  
師奉寶來獻十八者天百味食自然在前十  
九者無數寶瓶盛諸甘露二十者諸天妙車  
載寶而至二十一者無數白象子首戴蓮華  
列住殿前二十二者天紺馬寶自然而來二  
十三者五百白師子王從雪山出息其惡情  
心懷歡喜羅住城門二十四者諸天妓女於  
虛空中作妙音樂二十五者諸天玉女執孔  
雀拂現宮牆上二十六者諸天玉女各持金  
瓶盛滿香汁列住空中二十七者諸天歌頌  
讚太子德二十八者地獄休息毒痛不行二  
十九者毒虫隱伏惡鳥善心三十者諸惡律

儀一時慈悲三十一者國內孕婦產者悉男  
其有百疾自然除愈三十二者一切樹神化  
作人形悉來禮侍三十三者諸餘國王各寶  
名寶同來臣服三十四者一切人天無非時  
語亦時諸姝女衆見此瑞相極大歡喜自相  
謂言太子今生有如此等吉祥之事唯願長  
壽無諸病苦勿令我等生大憂惱作此言已  
以天細氎裹抱太子至夫人所時四天王在  
虛空中恭敬隨從釋提桓因執蓋來覆有二  
十八大鬼神王在園四角守衛奉護  
亦時有一青衣聰慧明了從藍毗尼園還入  
宮中到白淨王所而白王言大王威德轉更

增進摩耶夫人巴生太子顏貌端正有三十  
二相八十種好墮蓮華上自行七步舉其右  
手而師子吼我於一切天人之中最尊最勝  
無量生死於今盡矣此生利益一切人天有  
如是等諸竒特事非可具說時白淨王聞彼  
青衣說此語已歡喜踊躍不能自勝即脫身  
瓔珞而以賜之  
爾時白淨王即嚴四兵眷屬圍遶并與一億  
釋迦種姓前後導從入藍毗尼園見彼園中  
天龍八部皆悉充滿到夫人所見太子身相  
好殊異歡喜踊躍猶如江海諸大波浪慮其  
短壽又懷怵惕譬如須弥山王難可動搖大

地動時此山乃動彼白淨王素性恬靜常無  
歡感今見太子一喜一懼亦復如是摩耶夫  
人爲性調和旣生太子見諸竒瑞倍增柔軟  
尔時白淨王叉手合掌禮諸天神前抱太子  
置於七寶象輿之上與諸群臣後宮嫔女虛  
空諸天作諸伎樂隨從入城時白淨王及諸  
釋子未識三寶即將太子往詣天寺太子旣  
入梵天形像皆從座起禮太子足而語王言  
大王當知今此太子天人中尊虛空天神皆  
悉禮敬大王豈不見如此耶云何而今來此  
禮我時白淨王及諸釋子群臣內外聞見是  
已歎未曾有即將太子出於天寺還入後宮

當尔之時諸釋種姓亦同。一日生五百男時  
王廐中象生白子馬生白駒牛羊亦生五色  
羔犢如是等類數各五百王家青衣亦生五  
百倉頭尔時宮中五百伏藏自然發出一一  
伏藏有七寶藏而圍遶之。又有諸大國寶人從  
海採寶還迦比羅旆兜國彼諸寶人各賣奇  
寶而來獻王。時白淨王問諸寶人汝等入海  
採諸珍寶悉皆吉利無苦惱不及諸伴侶無  
遺落耶。彼諸寶人荅言大王所經道路極自  
安隱。王聞此言甚大歡喜。即遣請諸婆羅門  
等婆羅門衆皆悉集。已設諸供養。或與象馬  
及以七寶田宅僮僕供養畢。已抱太子出。即



便白諸婆羅門言當爲太子作何等名諸婆羅門即共論議而荅王言太子生時一切寶藏皆悉發出所有諸瑞莫非吉祥以此義故當名太子爲薩婆悉達說此語時虛空天神即擊天鼓燒香散華唱言善哉諸天人民即便稱曰薩婆悉達

尔時八王亦於是日與白淨王同生太子彼諸國王各懷歡喜我今生子有諸奇異而不知是薩婆悉達之瑞相也皆集婆羅門各爲太子制好名字王舍城太子名曰頻毗婆羅舍衛國太子名婆斯匿偷羅拘吒國太子名拘臘婆犢子國太子名優陀延跋羅國太子

名鬱陀羅延盧羅國太子名曰疾光德义尸  
羅國太子名弗迦羅婆羅拘羅婆國太子名  
拘羅婆

尔時白淨王普勅群臣令訪聰明多聞智慧  
善知占相爲諸世人所知識者群臣聞已四  
方推覓時王即便於後園中起一大殿窻牖  
欄楯七寶莊飾尔時群臣得五百婆羅門聰  
明知相見諸竒瑞欲來詣王會王遣信疾速  
而至諸臣白王知相婆羅門今者已到王聞  
歡喜即勅令前請入殿坐設諸供養彼婆羅門  
即白王言我聞大王新生太子有諸相好竒  
特之瑞願令我等悉得見之時王即勅抱太

子出諸婆羅門既見太子相好威嚴歎未曾  
有王即問言今占太子其相云何婆羅門言  
一切衆生皆欲子好大王今者所生太子是  
太珍異勿生憂怖即又白言所生太子大王  
雖言是王之子乃是世間人天之眼王復問  
言云何得知婆羅門言我觀太子身色光焰  
猶如真金有諸相好極爲明淨若當出家成  
一切種智若在家者爲轉輪王領四天下譬  
如江河海爲第一衆山之中須彌最勝凡諸  
光暉日爲無上一切清涼唯有明月天人世  
間太子爲尊王聞此語心大歡喜離諸怵惕  
彼婆羅門又白王言有一梵仙名阿私陀具

足五通在於香山彼能爲王斷諸疑惑諸婆  
羅門說此語已辭別而去

尔時白淨王心自思惟阿私陀仙人居在香  
山途徑險絕非人所到當以何方請來至此  
王可作此心念之時阿私陀仙人遙知王意  
又復先見諸竒瑞相深解菩薩爲破生死故  
現受生以神通力騰虛而來到王宮門時守  
門者入白王言阿私陀仙人乘虛空來今在  
門外王聞歡喜即勅令前王至門上自奉迎  
之旣見仙人恭敬禮拜而即問言尊者旣來  
住門不進爲守門者不聽前也仙人荅言無  
見止者旣來相詣宜須先白王便隨從入於

後宮敬請令坐而問訊言尊者四大常安和  
不仙人荅言蒙大王恩幸得安樂時白淨王  
白仙人言尊者今日能來下降我等種族方  
大熾盛從今已去日就吉祥爲是經過故來  
此耶仙人荅言我在香山見大光明諸奇特  
相又知大王心之所念以是因緣故來到此  
我以神力乘虛而至聞上諸天說王太子必  
當得成一切種智度脫天人又王太子從右  
脇生墮於七寶蓮華之上而行七步舉其右  
手而師子吼我於天人之中最尊最勝無量  
生死於今盡矣此生利益一切天人又復諸  
天圍遶恭敬聞有如此大奇特事快哉大王

宜應欣慶太子今者可得見不即將仙人至  
太子所王及夫人抱太子出欲禮仙人時彼  
仙人即止王曰此是天人三界中尊云何而  
令禮於我耶時彼仙人即起合掌禮太子足  
王及夫人白仙人言唯願尊者爲相太子仙  
人言善即便占相具見相已忽然悲泣不能  
自勝王及夫人見彼仙人悲泣流淚舉身顫  
怖生大憂惱如大波浪動於小船問仙人言  
我子初生具諸瑞相有何不祥而悲泣耶余  
時仙人歔歔荅言大王太子相好具足無有  
不祥王又問言願更爲我占視太子有長壽  
相不得轉輪王位王曰天下不我年旣暮欲

以國土皆悉付之當隱山林出家學道所可  
志願唯在於此尊者爲觀必定果耶尔時仙  
又又荅王言大王太子具三十二相一者足  
下安平立如奩底二者足下千輻網輪輪相  
具足三者手足相指長勝於餘人四者手足  
柔軟勝餘身分五者足跟廣具足滿好六者  
足指合縵網勝於餘人七者足趺高平好與  
跟相稱八者伊泥延鹿膺膺纖好如伊泥延  
鹿王九者平任兩手摩膝十者陰藏相如馬  
王象王十一者身縱廣等如丘俱盧樹十二  
者一一孔一毛生青色柔軟右旋十三者毛  
上向靡青色柔軟右旋十四者金色相其色

微妙勝閻浮檀金十五者身光面一丈十六  
者皮薄細滑不受塵垢不停蚊蚋十七者七  
處滿兩足下兩手中兩肩上項中皆滿字相  
分明十八者兩腋下滿如摩尼珠十九者身  
如師子二十者身廣端直二十一者肩圓好  
二十二者四十齒二十三齒白齊密而根  
深二十四者四牙最白而大二十五者方頰  
車如師子二十六者味中得上味咽中二處  
津液流出二十七者舌大軟薄能覆面至耳  
髮際二十八者梵音深遠如迦陵頻伽聲二  
十九者眼色如金精三十者眼睫如牛王三  
十一者眉間白毫相軟白如瓊羅綿三十二



者頂髻肉成具有如此相好之身若在家者  
年二十九為轉輪聖王若出家者成一切種  
智廣濟天人然王太子必當學道得成阿耨  
多羅三藐三菩提不久當轉清淨法輪利益  
天人開世間眼我今年壽已百二十不久命  
終生無想天不覩佛興不聞經法故自悲耳  
又問仙人尊者向占言有二種一當作王二  
成正覺而今云何言決定成一切種智時仙  
人言我相之法若有衆生具三十二相或生  
非處又不明顯此人必為轉輪聖王若三十  
二相皆得其處又復明顯此人必成一切種  
智我觀大王太子諸相皆得其所又極明顯

是以決定知成正覺。仙人爲王說此語已辭別而退。介時白淨王旣聞仙人決定之說，心懷愁惱，慮恐出家，卽擇五百青衣賢明多智，爲作姝母養視太子。其中或有乳者，或有抱者，或有浴者，或有浣濯者，如是等比供給太子，皆悉具足。又復別爲起三時殿，溫涼寒暑，各自異處，其殿皆以七寶莊嚴，衣裳服飾皆悉隨時。王恐太子棄家學道，使其城門開閉之聲，聞四十里。又復擇取五百妓女，形容端正，不肥不瘦，不長不短，不白不黑，才能巧妙，各兼數伎，皆以名寶瓔珞其身，百人一番迭代宿衛於其殿前。烈樹甘果，枝葉蔚映華實。

繁茂又有浴池清流澄潔池邊香草雜色蓮  
華綺靡芬敷不可稱計異類之鳥數百千種  
光麗心目趣悅太子太子既生始滿七日其  
母命終以懷太子功德大故上生忉利封受  
自然太子自知福德威重無有女人堪受禮  
者故因將終託之而生尔時太子姨母摩訶  
波闍波提乳養太子如母無異時白淨王勅  
作七寶天冠及以瓔珞而與太子太子年漸  
長大爲辦象馬牛羊之車凡是童子所玩好  
具無不給與尔時舉國人民皆行仁惠五穀  
豐熟風雨以時又無盜賊快樂安隱皆是太  
子福德力故時王又以青衣所生是車匿等

五百倉頭給侍太子。至年七歲，父王心念太子已大，宜令學書。訪覓國中聰明婆羅門善諸書藝，請使令來以教太子。介時有一婆羅門名跋陀羅，居與五百婆羅門，以爲眷屬。來受王請，即白婆羅門言：欲屈尊者爲太子師，此可。介不婆羅門言：當隨所知以授太子。時白淨王更爲太子起大學堂，七寶莊嚴牀榻，學具極令精麗。卜擇吉日，即以太子與婆羅門而令教之。

介時婆羅門以四十九書字之本教令讀之。于時太子見此事，已問其師言：此何等書閣？浮提中一切諸書，凡有幾種？師即默然不知。

所答又復問言此阿一字有何等義師又默然亦不能答內懷慙愧即從座起禮太子足而讚歎言太子初生行七步時自言天人之中最尊最勝此言不虛唯願爲說閻浮提書凡有幾種太子答言閻浮提中或有梵書或佉樓書或蓮華書有如是等六十四種此阿字者是梵音聲又此字義是不可壞亦是無上正真道義凡如此義無量無邊爾時婆羅門深生慙愧還至王所而白王言大王太子是天人中第一之師云何而欲令我教耶爾時父王聞婆羅門言倍生歡喜歎未曾有即厚供養彼婆羅門隨意所須凡諸伎藝典籍

之 議論天文地理算數射御太子皆悉自然矣

過去現在因果經卷第一三

辭

澡漱

二字音早瘦

播婆

上必箇反

殺戮

下音六蒸字

楚捷

下他達反

薩婆若

一切智者反此

拯濟

上聲上蒸字

繒綵

上疾反

踰闌

亦去由郁此披鹿

上音被音盜

繖蓋

上音散上音

枚

音梅

齋

子号反齊同

雇

故音蹈踐

下音賤

王囚

上音去聲

怨敵

音梅

徒的

反寬下

旆兜

下上薄侯反

苗囊

下羊聲

瞬

詩閏

華菱

下鳥反

腋

亦音

嬰孩

下上戶衰反

憤闢

上俱反

迭

代

上徒反

階陞

下蒲反

翡翠

上扶反

鷲

反鳥奚

玩

反愚貫

舉

二余音

摘

反居反

歌

下音

續

反上

紛

下反

芬丘墟下起恬靜上徒舍佉起疊音怵惕

上思聿反柔反軟作下廐音羔犢上音膏人

商音反臍郎荅途定下七反歔歔許既虛下奩音

縵網官上莫反趺音跟音喘時纖息縱足蔚

映上音畏盛也反蚊蚋而歲頰古典籍下亦反

津液亦下音眼音睫下姆母上莫浣濯上胡伴



